



UNIVERSITÄTS-
BIBLIOTHEK
PADERBORN

Ivlii Cæsaris|| Scaligeri|| Epistolæ|| &|| Orationes||

Scaliger, Julius Caesar

Lugduni Batavorum, 1600

Ivliivs Cæsar Scaliger Bellavenæ Senatori Burdigalensi. S. XXIX.

[urn:nbn:de:hbz:466:1-70455](https://nbn-resolving.org/urn:nbn:de:hbz:466:1-70455)

ciæ, cuius decreto Prætoris sententiæ standū iuebatur. Obsecro te igitur, sapientissime me simul atque nobilissime Senator, vt & totius huius ciuitatis, quæ sese dedit in clientelam tuam, habeas rationem, & meam simul commendationem hic asperneris, quæ non solum publicum munus curat hac epistola, sed etiam meæ dignitatis summam. Hanc vnâ apud te iniuriam deprecor, ne patiare, me quasi alienum ab re literaria, a perditissimo nebulone, publico primum iudicio, deinde vestro senatusconsulto dignum qui renciar.

IULIUS CÆSAR SCALIGER

* * BELLAVENÆ
Senatori Burdigalensi. S. XXIX.

QVAM QVAM non nisi fere in amicorum periculis ad te scribere consuevit id quod aut contumaciæ, aut potius negligentia cuiusdam adscribi potest, tantas tamen esse vestrum omnium intellexi occupationes, vt vel maximis meis in necessitatibus, quâdo scribam, etiam hoc perpusillo tempore iudiciis vestris verear incommodare. Quo fit, vt & ignoscâs pudori meo, si spissius ad vos scribo: & nunc intelligas non minimum vrgerè negotium, quod ad hoc
 genus

genus officii obeundum compulit vel inuitum. Agitur res de dignitate mea, quæ cum publica coniuncta causa huiusce ciuitatis contemptui ita habita est a perditissimo parricida, ut etiã ausus sit rem ad Senatum vestrum deferre: cuius iudicium acerrimum, incomparabilem pietatem, studium rei literariæ si ille nefarius nebulo nouit, quæso te, illustrissime Senator, quo vultu vestrum istum diuinum confessum non intueri, sed adire modo ausus est? Si non nouit, quid implorat? An putauit vos esse sui similes, quorum ingeniis abuteretur ad suam impietatem? Is quum aliis super alia flagitiis medicamentariam rem, quam perfidiose exeret, confidenter depravasset, nostræque censuræ publico decreto vna cum cæteris emendandus committeretur, appellauit Senatum vestrum. Habes causam, vtinam & nosse hominem. Itaque ut pernoscas, ita intelligas velim, adulterinas ac deprauatas merces scienter venales habuisse atque vendidisse, vim publicam sæpenumero facere consueuisse, publicos viatores verberasse, in conuiujs contentiose velitatum ad manus venisse, affines suos suo merito sibi inimicos fecisse, cum eis ferro dimicasse, patrem suum inopia

pia

pia atque inedia cibum denegando necasse.
nam periuria & falsi crimina, & litium
iniquarum persecutiones, & debitorum ite-
ratas exactiones pro ludo habet. Ergo, no-
bilissime atque eloquentissime Senator, si
vnquam humanitatem, æquitatem, pieta-
tem coluisti, sine te exorem vt illum perdis-
tum scelestumque iis modis accipias quibus
dignus est. Id si efficies, dabo operam, vt
nemo mecum, erga te ausit officiis certare
atque pietate.

IULIUS CÆSAR SCALIGER

DOMINO ARFVELLE

Senatori Bardigalensi. S. XXX.

QVVM te omnium non solum Senato-
rum sapientissimum, sed etiam bono-
rum humanissimum semper iudicassem, fa-
cile mihi persuasi, quam sapientiam in sen-
tentis dicendis exerceres, quam humani-
tatem coleres in amicis subleuandis, earum
vtramque mihi aduersus improborum te-
meritatem non defuturam. Is pharmaco-
pola quem probe nosti, plenissimus amen-
tissimi spiritus, ex accessione male ac sor-
dide partæ pecuniolæ quum animos sustu-
lisset,